



Ulloq: 29. juni 2026
Allaffik: Nordatlantkontoret
Sul.sulia: Christine Elbrønd Kuus
Suliap normua: 2024-02620
Takussutissiaq: 3171105

**Kingornussassiisup toqqaannartumik kinguaavinut
kingornussassat akilerneqarnissaannik
kinguartitsigallarneq pillugu Kalaallit Nunaannut
nalunaarut**

Kingornussisarnermik inatsimmi § 39 malillugu aalajangersarneqarpoq:

Kapitali 1

*Aappaasup siulliulluni toqusup toqqaannartumik kinguaavinut
kingornussassat akilerneqarnissaannik aappaasup qimagaasup
kingornussassanik kinguartikkallagaanik ernialersuineq*

§ 1. Kingornussassat, Kalaallit Nunaannut atuutilersinneqarnera pillugu peqqussummi nr. [...] -imi, [...] -imeersumi kapitali 5 malillugu aappaasup siulliulluni toqusup toqqaannartumik kinguaavinut kingornussassat akilerneqarnissaannik aappaasup qimagaasup kingornussassanik kinguartitsigallarsinnaanerani ilaatinneqartut, qaqugukkulluunniit pisortatigoortumik diskontop procentinngorlugu ilassummik 1 -imik ilasap assinganik ernialerlugit, ernialersorneqassapput. Pisortatigoortumik diskonto -1,00 pct. -imit minneruppat, aappaasup siulliulluni toqusup toqqaannartumik kinguaavinut kingornussassat akilerneqarnissaannik aappaasup qimagaasup kingornussassanik kinguartitsigallarnerani kingornussassat 0,0 pct. -imik ernialersorneqassapput. Kinguartitsigallartoqarnissaa pillugu eqqartuussiviup aalajangiineranit, ernialersuineq pissaaq.

Imm. 2. Kingornussassiisup toqqaannartumik kinguaajusumut ukioq affakkaarlugi erniat akilerneqartassapput.

§ 2. Nammineersinnaassuseqanngitsumut apparisamit allaanerusumit kingornussassiisup toqqaannartumik kinguaajusumut pilersuisussaataaneq aappaasup kingulliulluni toqusup aappaasumit

siulliulluni toqusumit tigusimappagu, ernianit isertitat pilersuisussaatitaanermi aningaasartuutit qaangerpatigit, taamaallaat § 1, imm. 1 malillugu erniat akilerneqassapput.

Kapitali 2

Piffissami kinguartitsiffiusumi aapparisamit allaanerusumit kingornussassiisup toqqaannartumik kinguaavisa pilersorneqarnissaannut aningaasat amerlassusaasa aqunneqarnerat

§ 3. Piffissami kinguartitsiffiusumi pilersorneqarnissamut aningaasat amerlassusaat, aapparisap siulliulluni toqusup aappaanit allaanerusumit kingornussassiisup kinguaavanut eqqartuussiviup aalajangiineratigit akilerneqartussat, kingornussisussaq suli nammineersinnaassuseqartinnagu, kingornussassanik piffissami aalajangersimasumi tiguneqarsinnaanngitsunik aqutsinissamut aningaasanillu inissiinissamut aningaaserivimmi immikkoortortaqarfimmut, inatsiseqarnermut ministerip akuerisaanut, aappaasup siulliulluni toqusup toqqaannartumik kinguaavinut kingornussassat akilerneqarnissaannik aappaasup qimagaasup kingornussassanik kinguartikkallartitsineranik aqutsisumut, ilineqassapput.

Imm. 2. Qaammammut ataasiarluni nammineersinnaassuseqanngitsup pilersorneqarnissaanut aningaasat amerlassusaat naammattut, kingornussassanik piffissami aalajangersimasumi tiguneqarsinnaanngitsunik aqutsinissamut aningaasanillu inissiinissamut aningaaserivimmi immikkoortortaqarfimmit, inatsiseqarnermut ministerip akuerisaanit akilerneqassapput.

Kapitali 3

Qularnaveeqqusiineq il.il.

Tamakkiisumik qularnaveeqqusiineq

§ 4. Kingornussassatut piumasaqaatinut, kinguartitsinermi ilaatinneqartunut, tamakkiisumik qularnaveeqqusiisoqassaaq. Pigisat nalillit sorliit kingornussassatut piumasaqaatinut tamakkiisumik qularnaveeqqusiisutaassanersut, eqqartuussiviup aalajangissavaa.

Nammineersinnaassuseqanngitsup toqqaannartumik kinguaavi

§ 5. Nammineersinnaassuseqanngitsup toqqaannartumik kinguaavinit kingornussassatut piumasaqaatinut pingaartumik pigisani aalaakkaasuni

qularnaveeqqusiisoqassaaq. Tamatuma saniatigut pigisani nuunneqarsinnaasuni imaluunniit pappiaqqani aningaasanik nalilinni, matumani pissutsit assigiinngitsut malillugit aappaasup kingulliulluni toqusup inuunermini inuunermut sillimmassinera, aningaasaqarnermut tunngasumik suliffeqarfimmit qularnaveeqqusiissutini imaluunniit qularnaveeqqusiissutini assingusuni qularnaveeqqusiisoqarsinnaavoq.

Imm. 2. Akiliussisussamaataanissaq piumasagaatigalugu, pisuni immikkut ittuni kinguartitsineq taamaallaat pisinnaavoq.

§ 6. Pigisani aalaakkaasuni imaluunniit pigisani nuunneqarsinnaasuni qularnaveeqquteqarluni kinguartitsisoqarpat, kingornussassiisup toqqaannartumik kinguaavanut nammineersinnaassuseqanngitsumut qularnaveeqqusiussaqaarluni taarsigassarsinermi allagartaq atulersinneqassaaq.

Imm. 2. Tulliuttut qularnaveeqqusiussaqaarluni taarsigassarsinermi allagartami takuneqarsinnaassapput,

- 1) qularnaveeqqusiussaqaarluni taarsigassarsinermi allagartaq nalunaarut manna malillugu atulersinneqartoq,
- 2) qularnaveeqqusiussaqaarluni taarsigassarsinermi allagartami piumasagaatit eqqartuussivimmit akuerineqartut, aamma
- 3) qularnaveeqqusiussaqaarluni taarsigassarsinermi allagartaq piginnittut nikinneranni akilerneqassasoq, matumani akiligassaqaqfigisat pisassaat qulakkeerniarlugit tamanut akitsorterussineq ilanngullugu.

Imm. 3. Qularnaveeqqusiussaqaarluni taarsigassarsinermi allagartaq atulersinneqartussaaq, qularnaveeqqusiisup salliusup akiligassaqaqfigisanit allanit siulliulluni akilerneqarnissamik pisinnaatitaaffiata akilersorneqarnerani, akilerneqarnerani imaluunniit atorunnaarsinneqarnerani qularnaveeqqummik piginnittup akilerneqartussat pingaarnersiorneqarneranni tulleriiarinermi inissisimanerminik ingerlaannaq pitsaanerulersitsisumik atulersinneqassaaq, allakkullu Inatsiseqarnermut ministereqarfiup qularnaveeqqusiussaqaarluni taarsigassarsinermi allagartamut immersugassaani piumasagaatinut, nalunaarut manna malillugu allannguutit ilanngussallu ilanngullugit, aamma taamaattoqarpat immikkut ittumik piumasagaatinut, eqqartuussivimmit akuerisaasunut, qularnaveeqqusiussaqaarluni taarsigassarsinermi allagartaq naapertuuttumik ilusilerneqassalluni.

§ 7. § 6-imi taaneqartunit allaanerusumik qularnaveeqqusiussaqaarluni kinguartitsisoqarpat, kingornussassiisup toqqaannartumik kinguaavanut

nammineersinnaassuseqanngitsumut immikkut ittumik akiitsut allagartaat atulersinneqassaaq.

Imm. 2. Akiitsut allagartaat paasissutissanik tulliuttunik imaqassaaq

- 1) pisassarisap ernialersorneqarnera aamma akilersorneqarnera,
- 2) qularnaveeqqusiunneqartoq, aamma
- 3) § 9 malillugu pigisanit nalilinnit qularnaveeqqusiunneqarsisimasunit taamaattoqarpat iluanaarutit aamma tigusassat pillugit qanoq isummertoqarnera soq.

§ 8. Kingornussassiisup toqqaannartumik kinguaavinut

nammineersinnaassuseqanngitsunut arlalinnut kinguartitsisoqarpat, taakku ajornanngippat qularnaveeqqutinik naligiissitanik tunineqartariaqarput.

§ 9. Pigisanit nalilinnit, kingornussassiisup toqqaannartumik

kinguaavisa kingornussassanut piumasaqaataannut qularnaveeqqutaasutut atorineqartunit, aningaasat aningaasanngorlugit tigusat, tamakkiisumik akiliinikkut, makitsinikkut imaluunniit assigisaannit, tamanna eqqartuussivimmit imaluunniit kingusinnerusukku Kalaallit Nunaanni Naalagaaffiup Sinniisoqarfianit aalajangerneqarsimanngippat, kingornussassatut piumasaqaatit matussuserneqarnissaannut atorineqassapput.

§ 10. Akiitsut allagartaat, qularnaveeqqusiussaqaarluni

taarsigassarsinermi allagartat, obligationit, aktiat, piginneqataanermut uppernarsaatit, inuunermut sillimmasiinermut allagartat, qularnaveeqqusiinermik nalunaarutit imaluunniit takussutissiat allat, qularnaveeqqusiussamut atassuteqartut, kingornutassanik piffissami aalajangersimasumi tiguneqarsinnaanngitsunik aqutsinissamut aningaasanillu inissiinissamut aningaaserivimmi immikkoortortaqarfik, inatsisilerinermut ministerimit akuerisaasumut aqunneqartussanngorlugit tunniunneqassapput.

Imm. 2. Kingornutassanik piffissami aalajangersimasumi

tiguneqarsinnaanngitsunik aqutsinissamut aningaasanillu inissiinissamut aningaaserivimmi immikkoortortaqarfik, inatsisilerinermut ministerimit akuerisaasumut sorlermut, aningaasat aqunneqassanersut, kingornussassiisup toqqaannartumik kinguaavata angajoqqaatut akisussaatitaasuata aalajangissavaa.

Imm. 3. Kinguartitsisoqarsimasoq aamma tassunga piumasaqaataasut

pillugit eqqartuussiviup kingornutassanik piffissami aalajangersimasumi tiguneqarsinnaanngitsunik aqutsinissamut aningaasanillu inissiinissamut

anigaaserivimmi immikkoortortaqarfik, inatsisilerinermut ministerimit akuerisaasumut nalunaarutigissavaa.

§ 11. Kingornussassiisup toqqaannartumik kinguaavata kingornutassanut piunasaqaataannut qularnaveeqqusiinerup ajornerulersinneqarsimanerata pisariaqartinneqartumik nalilerneqarnissaanut atugassanik, Kalaallit Nunaanni Naalagaaffiup Sinniisoqarfiata aappaasoq paasissutissanik tamanik piunasaqaateqarfigisinnaavaa.

§ 12. Kingornussisarnermik inatsimmi § 37, imm. 2-mi oqaaseqatigiit aappaat, imaluunniit § 37, imm. 3 malillugu kingornussassiisup toqqaannartumik kinguaavata kingornussassaasa akilerneqarnissaat pillugit eqqartuussivimmut noqqaassutip saqqummiunneqarnissaa sioqqullugu, aappaasoq oqaaseqaateqarnissamik Kalaallit Nunaanni Naalagaaffiup Sinniisoqarfiata periarfississavaa.

§ 13. Qularnaveeqqutip allanngortinneqarnissaa pillugu akuersissuteqartoqarnissaa pillugu aappaasup Kalaallit Nunaanni Naalagaaffiup Sinniisoqarfia noqqaassuteqarfigisinnaavaa. Allanngortitsinerup kingorna qularnaveeqqutip §§ 5-imiit 9 ilanngullugu aalajangersakkani piunasaqaatit naammassissavai.

Imm. 2. Imm. 1 malillugu Kalaallit Nunaanni Naalagaaffiup Sinniisoqarfiata aalajangiinera, eqqartuussivimmut saqqummiunneqarsinnaavoq.

*Kingornussassiisup toqqaannartumik kinguaavi
nammineersinnaassuseqartut*

§ 14. Kingornussassiisup toqqaannartumik kinguaava nammineersinnaassuseqarpat, aappaasup aamma kingornussassiisup toqqaannartumik kinguaavata pigisani nalilinni aalajangersimasuni qularnaveeqqutip inissinneqarnissaa pillugu isumaqatigiinnersut, qularnaveeqqutip aalajangerneqarnerani eqqartuussiviup immikkut ittumik eqqarsaatigissavaa.

Imm. 2. § 6, § 7, imm. 1 aamma imm. 2, nr. 1 aamma 2, aamma § 8 taamatuttaaq atuupput.

Imm. 3. Pigisanit nalilinnit, kingornussassiisup toqqaannartumik kinguaavisa kingornussassanut piunasaqaataannut qularnaveeqqutaasutut atorneqartunit, aningaasat aningaasanngorlugit tigusat, tamakkiisumik akiliinikkut, makitsinikkut imaluunniit assigisaannit, tamanna eqqartuussivimmit imaluunniit kingusinnerusukkut Kalaallit Nunaanni

Naalagaaffiup Sinniisoqarfianit aalajangerneqarsimanngippat, kingornussassatut piumasaqaatit matussuserneqarnissaannut atorneqassapput.

§ 15. Qularnaveeqqutip allanngortinneqarnissaa aappaasup aamma kingornussassiisup toqqaannartumik kinguaavata isumaqatigiissutigisinnaavaat. Allanngortitsinerup kingorna, piumasaqaatit § 14, imm. 2-mi malitsigisai, qularnaveeqqutip naammassissavai.

Imm. 2. Imm. 1 malillugu qularnaveeqqutip allanngortinneqarnissaa aappaasup aamma kingornussassiisup toqqaannartumik kinguaavata isumaqatigiissutigisinnaanngippassuk, apeqqut eqqartuussivimmit aalajangiiffiqineqassaaq.

Kapitali 4

Kinguartitsinerup atorunnaarsinneqarnera

§ 16. Aappaasooq sivilunerpaamik inuusoq toquppat, imaluunniit aappaasup sivilunerpaamik inuusup pigisai agguagassat akiliisinnaajunnaarnermik suliaqarnermi ilaatinneqalerpata, kinguartitsineq atorunnaarsinneqassaaq.

Kapitali 5

Atuutilerfia

§ 17. Nalunaarut ulloq 1. november 2026 atuutilissaaq aamma pigisani agguagassani, taakkunani kingornussassiisoq nalunaarutip atuutilernera sioqqullugu toqusimappat atuutissanngilaq.

Inatsiseqarnermut ministereqarfik, ulloq [...]

Nicolai Wammen

/ Lennart Houmann